



## **Universitätsbibliothek Paderborn**

### **Asiaticae Historiae Societatis Iesv Pars ...**

Libris Qvatvor Comprehensa: Vbi praeter res gestas à Patribus Societatis Iesv in conuersione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

**Bartoli, Daniello**

**Lvgdvni, 1670**

20. Vrbani ritus salut. visendi &c. officia.

**urn:nbn:de:hbz:466:1-10757**

inter nobiles arbitrium est pro ratione facultatum, & si mille numeros conficiant existimantur iusto plus donasse: quo vero die dicitur dominum sponsa, munus hoc palam in oculis omnium præfertur, subsequente sponsa, quæ magno tibicinum strepitu, facibus, etiam de media die & comitatu amicorum, gestatorio obserato, ad virum deportatur, illuc viro traditur sellæ clavis, unde qualecumque repererit educit, nec prius sibi visum, nec si displiceat reiicere integrum. Pauperes vxorem nummis emunt tribus, aut quatuor, alicubi etiam, si opus est emptam alteri vendant; cui nec tres nummi sunt, venum scipios in mancipia dant eoque pretio vxorem & eius vicem emunt, ceduntque deinceps cum uxore illa & filiis in possessionem heri cui se manciparunt. Hinc solent tenues vna uxore contenti viuere. Nobiles quam multas optauerint ducunt, quarum præcipuam oporteat nobilitate parem esse; reliquæ sat est si placeant. Quia in re fortassis nusquam alibi auditum aut lectum sit, earum liberos, ne demptis quidem regum filii, primatiæ uxoris omnes esse, omnes ad eam lege pertinere, hanc unam matris honore ac nomine prosequi, ex qua vero sunt nati, nec reuertri viuam, nec flere mortuam. At ipsa mirum est, quam libi penitus in illos auctoritatis maternæ ac tituli plus nihil atroget, quam in veros filios matris familias. Immo sit subinde ut ex empta uxore ad familiam propagandam, suscepta proles matri familias sterili tribuatur, officio defuncta puerpera iterum vendatur. Dignus præterea commendatione quem impendunt Sincenses viduis, priuatim & publicè honor. Indecoras habent secundas nuptias etiam seminarum ætate integra, & prole parentium; & ratæ sunt quæ laudem voluptati, pudicas in tribus postponant. Agant deinceps apud sacerdotum ad mortem viduæ in spontanea arcta que custodia, nec sunt oneri domibus sed honori, quippe domos si consenserint in eo proposito, illustrant triumpho & arcubus quibus laudatione magnifica incisa marmori celebrantur, iam Sinenium virtus, de qua hic sequitur agendum, quod satis intelligi non possit, nisi rituum usu generatim saltet exposito, necesse est de his aliquid præmitti, cum hinc elucidari multa oporteat quæ sunt sacris in rebus non satis perspicua. Illud imprimis patrum liquet, sintne hi titus ceremoniarum inter gentis laudes aut vitia ponendi. Nam ut fingi nihil possit orbe toto ciuilis, sequi Sinæ haud falso urbanitatis regnum vocent; aliunde minima quælibet, & quotidiana, onerare haud parcious urbanitatibus, quam sacra solennia titibus, perinde videatur ut suffit uchementiori hominem præfocare, qui moderata eius fragrantia fuerat oblectandus. Certè hanc rituum intemperantiam non irrident solum Europæi; dolent eandem Sinarum sapientes ut quæ sit communis, & remedio carens amentia prudentiæ nomine & præscriptione sæculorum necessitatim legis nacta à cuius apicibus feruandis ægius, quam ab homicidio auertantur. Itaque toti sunt in decenti corporis brachiorum, manuum, salutationum, proclamationum fingendo ex arte, & regulis ad urbanitates motu,

<sup>20.</sup>  
Urbanus ritus  
sunt, visendi  
&c. officia.

motu, statuque & habitu, ne quid iis excedat, parum maiestate, aut elegancia conditum, vel minus tempori & personis aptum, quibus inanis cum dies solidi condantur, capi vix potest qua patientia viri graues, tam lentes, & crebras adeuntium proclinationes, stando excipiant, nec enim à festinantis peraguntur, sed otiosè, ac velut enodandis euoluendisque sensim membris è machina quam gerant in pectore latenter; nec minus eius qui aditum motus omnes notantur, exigunturque ad formulas, quibus vario nutu se pati grauiter eum honorem significat quem tacitus deperit, acerbissimè latus, si quid illius omittatur. Quin & apud Praefectos pro tribunalibus, & ad regium thronum tametsi vacuum, præsto sunt rituum istorum dictatores, seu melius dicam carnivices, ita promiscuè ac direcè illos cædunt qui salutationes male ferias indoctè obierit. De singularibus paucula decerpamus. Subdueto ut facimus pede humum retro modicè verrere; amplexantis speciem præbere, aut manum suam osculantis, vel prehendentis alienam, non minus sit barbarum inter Sinas quam apud nos techo capite salutare. Caput aperire sic abhorrent etiam rege coram, & aliis; vt mori cedendum supremi Pontifices in eo censuerint, indulserintque nostris Sacerdotibus tegmen capitis inter sacra. Salutationis obuiæ modus est, arcuata sursum ad frontem à pectore, plus minus brachia, prout salutato maior honos, aut minor debetur attollere, replicatis intra manus interim manibus, suumque illud Zin sèpius iterando, in quod significatum aliud non cadit præter id officium salutandi, salutandum vero si peculiare meritum commendet, illa brachiorum sursum & deorsum alternatio iam inde incipit cum distat adhuc à passu vigesimo, sequiturque mox illam Zoie, hoc est altera reverentiae pars major, fitque toto in arcum procliui corpore, fronte solo quam possit proximè admota, rectis interea iunctisque pedibus; manibus ut ante sed summum ad verticem elatis. Porro hic nimis vrimque luditur utroque ad Septentrionem verso, quamobrem aulas ita ædificant ut earum ianuae austrum spestant. Quod ascititiæ illorum modestiæ commentum arbitror, qua illas diuina suppares adorationis dum profitetur alter ex officio se debere; fingit alter se illas auersari tanquam suis meritis maiores. Sibi vero qui gerunt magistratum cum sunt obuiam, excedit inferior ex equo, vel gestatorio, & ludi quem diximus initium facit. Sed habent visendi officia laciniiosius aliquid, & operosius, cuius tamen omitti absque grandi errore nihil licet quamvis illa tunc statis temporibus, rùm crebris occasionibus frequentissimè recurrent. Obitur hæc ceremonia vestitu cultiori ad hanc vnicè destinato, eum is quoque qui visitur induit. Aut si deprehenderit visens imparatum, vestem ipsam hanc subito ponit ne aut illum pudore, aut ipse ab eo afficiatur iniuria. Cuius moris siue religio, seu delirium in urbe ab officiis etiam, rurique ab rusticis fernatur, & cui præsto non fuerit is ornatus, domi se singit non adesse: tanti est vel apud bubulcos, decoratio.

ratio. Quare violatum contemptu se dolet, quem adierit improuisus; praeuertendus est aditus libello per famulum; paginarum est duodecim is liber, auro & coloribus compritus pro gradu illius qui adeundus est; in promptu cuique sunt libelli huiusmodi complures, quod i aliis viri primarij, medij aliis conueniendi, & obsequij formalam, viris illustribus congruam, grandi charactere exhibeant alij, alij visitato. Accedit tertius iam dictis reuerentiae actus Pai vocabulo, non nisi domino à clientibus, magistro ab discipulis, Patri à filiis, Regi demum ab omnibus deferri solitus, Deoque ipsi ab adorantibus. Editur autem sublatis, ut descripsimus in altum, demissisque mox ad imum brachiis, genuflexo utroque, ad solum fronte contingendum. Inde se in pedes attollens salutator, eandem fabulam quater ad summum deinceps reponit, sed octies saltē coram Rege; tam lenta semper & languenti mora ut hora prope integra scenam vexet. Quod enim fiunt otiosius hi gestus, tollunturque ac deprimuntur magis, eò omni ex parte reuerentior est honoris significatio. Num autem se miser illa discriuat histrionica veneratione, qui eam excipit vel patens, vel alias dignitate aliqua excellens, ex aduerso summa in aula stat aut sedet, & leui aut multa pro conditione inuisentis, brachiorum motitatione responder salutanti; at si voler esse profusè comis in latus aulae orienti obuersum descendit, & fastu paulum deposito, corporis flexu probè illic noto & vario indicat placere simul delata obsequia, simul eadem ægrè esse, serui post primam genuflexionem, breuius sese expedient, postque humum ter fronte percussam, ad latus heri altorum consistunt; in prospectu nunquam, nec nisi pendulis brachii. At si domo vel absit qui visitur vel præsenti adesse non lubet, traditur famulo libellus quem reuerso reddat, censemturque hoc modo abundè exsolutum salutationis petita obsequium. Ut vero interdum domi negent se esse, appendunt foribus tabulam qua significatur herus lenare animum rusticatione, aut in bibliothecat domum secessisse, hoc est nolle tunc sibi molestiam fieri. Porro tabellas foribus & circum affigere Sinis est per-familiale, & commodum, maximè inter Literatos, quorum est illic prima nobilitas, nomen ex domini exhibit, domum incolentis, magistratum, gradus, encomia quorum se mutua lucubratione libenter palpant; post datum amico, seu alteri accessum, datur in borealibus Provinciis dextra, in australibus sinistra; in qua laboriosum, & longum negotium deferenda, recusanda, admittenda, statimque reddenda, proclinationibus inuicem interiiciendis nunquam in mutuum conspectum, sed in eandem cœli plagam; nec minus anxiè secundi ordo contenditur, (sedent enim Sinæ vulgato in Europa more cruribus nunquam humili decussatis) dominum inter & hospitem obsequio certatur; sedes saltē, si iam sunt positæ, viresque tangit, obseruanturque diligenter ut sedes dignioris a pariete æquè distet. Esto vero, sint admodum tersæ, sed excutiuntur mana volueri simulanter, collecta in pugnum

pugnum pro euerriculo extrema manica ; ac si centum hospites fuerint, sigillatim orantes , idem euerendi palueris officium repetunt , domino quidem minimè abnuente , sed cum aliquo taciti pudoris indicio quod tantum honoris deferant immerenti. Sequitur inter hospites pugna de sedendi loco, quam longum sit scribere, spectare molestius : paulo quām omnes confederint, adsunt cum scutulis & Chia famuli (quod est ē fccis quibusdam foliis decoctum mirē ad stomachum & delitias faciens , de quo altiā à me scriptum ; si producitur in longum sermo , Chia bis tērē repetitur, debetque, vt alia omnia , manu vtraque sumi , & rusticum putant altera solum vti. Postremo discessus , & pauci ad fores ab intima aula passus, tam crebris proclinationum minutis, & fictionum pugnantium fatigantur vt credatur iam nouum Chia non ad comitatem, sed laſitudinem propinandum. Huius demum strophæ vim facit potissimum dominus , nolens ab ſe prius amittere hospitem quam illum in equo aut ſella videat , contra hospes per quicquid eſt iurans , mundum prius in chaos reditum , ſudansque tam diu , vt cogat dominum post gestus inflexi deorsum corporis complures ( quorum nullus responſo tuo caret ) ſecus ianuam tantisper ſe abdere. Nam vt viator hospes equum inſcenderit, prodit illico iterum dominus , & clara voce vale dicit ; quod vtrimeque ſæpius iteratur tandemque post paulum ſeruos inuicem mittunt , qui mutuas gratias humaniſſimè exſoluant. Sunt in missitandis quoque munusculis Sinenses tum crebri tum minutius urbani. Præmitunt libellum destinata missilia ſtylo admodum ciuili præferentem , sunt ea ferè exigui pretij , ſed multa , & varia , licet cuique admittere omnia , vel selectis qua placent reiicere cetera , ſed hac lege ut tantumdem remittas, quantum acceperis , ut permutare potius quam dono dare videantur ; ſolent & pecunias pro munere mittere ; ſed parce oppidò , mediam aut tertiam nummi partem , cui addunt gratiam verba pauca eleganter concepta , ſunt enim ciuilium & elegantium verborum prodigi , cetera præparci , niſi quod modum in dandis conuiuiis excedunt omnem , tametsi ſumptuum in iis nulla fit cum infinitate ceremoniarum proportio. Præter ſta per annum conuiua, quæ nefas eſt ab ullo prætermitti , captant minimas quaque illorum occasiunculas , qualeſ nouæ lœtitiae teſtificatio; gratiæ, ob itinera viſendi officiis honorata; benevolentia ; dandi capiendive consilij commodum ; aut quæſtionis alicuius de diuinis , de gubernatione , de morib⁹ ſimul agitandæ , nihil enim grauius niſi ſuper epulas decernunt , quibus indulgent ita moderat̄, vt nec mentem retundat copia ; & potus frequentia , ſed perexigui eandem acuat, fauetque nox iis ſympoſiis desti- nata , & horæ quatuor aut plures placidi otij ad tractandum quiete quodlibet argumentum. Sed ſonorū & vocum ſymphonia laxatur ſubinde contentio , & graues comœdi interiiciuntur , imo adsunt ſubinde inuocati , vbi notunt eçenam ſolennem præberi : ſua niſi apud plebeios , conuiuis ſingulis mensa eſt , aliquando & duplex apud opulen-

21.  
Missilia mu-  
nicipum.

22.  
Conuiua.

D